

Oinsá atu asesu Pacific Engagement Visa (PEV) nia Servisus Apoiu ba Empregu

Australian Government harii ona servisus apoiu nian ne'ebé gratuitu iha pais ida-idak ne'ebé partisipa hodi ajuda aplikante sira ne'ebé hili tiha durante prosesu ballot atu buka-hetan serbisu iha Austrália. Ida-ne'e sei ajuda ita kumpre rekezitu empregu (serbisu) nian ba PEV. Ita bele uza follu faktu ida-ne'e atu ajuda komprende informasaun kona-ba servisus ne'ebé ami fornese.

? Saida mak PEV nia Servisus Apoiu ba Empregu?

PEV nia Servisus Apoiu ba Empregu fornese ferramenta no matadalan hodi ajuda ita hatene merkadu traballu iha Austrália, dezenvolve abilidade sira-ne'ebé sei ajuda ita buka serbisu, no halo ligasaun ho empregadór sira iha Austrália.

✓ Apoiu ne'ebé ita bele hetan

Ita bele asesu apoiu hanesan:

- Preparasaun ba serbisu no kultura iha serbisu-fatin – apoiu ba buka-hetan serbisu no hatene kona-ba Austrália nia kultura iha serbisu-fatin
- Haburas hahalok fiar-an hodibele buka serbisu – webinar edukasionál (kursu iha internét) sira-ne'ebé hametin ita-nia abilidade atu buka serbisu rasik, inklui oinsá atu ko'alia ho empregadór sira, komprende etapa ida-idak husi prosesu buka serbisu nian, no rezolve dezafiu jerál sira
- Ligasaun ho empregadór sira – halo ligasaun ho empregadór sira iha Austrália
- Sesaun informasaun kona-ba empregu – informasaun kona-ba merkadu traballu iha Austrália, oportunidade ba serbisu iha rejiaun oioin, no informasaun prátika kona-ba kria rezume (kurrikulun vitae) ne'ebé efektivu, karta apresentasaun no preparasaun ba entrevista

- Apoiu ba komunikasaun ho empregadór sira – konsellu kona-ba oinsá ko'alia ho empregadór ne'ebé karik bele fó serbisu ba ita kona-ba ita-nia situasaun nu'udar aplikante ba PEV.

✈ Kontakta PEV nia Servisus Apoiu ba Empregu

Ita bele asesu PEV nia Servisus Apoiu ba Empregu hodi:



Manda email mai ami iha
employment@pevsupport.com.au



Tau naran ba Sesaun informasaun kona-ba
empregu iha sítiu internét pev.gov.au

Bainhira manda tiha email mai ami, ita sei simu fali resposta otomátiku ida-ne'ebé fahe informasaun kona-ba ami-nia servisus no link util sira-ne'ebé bele ajuda ita komesa ita-nia preparasaun ba buka serbisu. PEV nia Servisus Apoiu ba Empregu sei manda hatán ba ita-nia email iha loron serbisu 7 nia laran.

✈ Aplikante nia esperiénsia

Tuirmai mak ezemplu husi aplikante nia esperiénsia bainhira nia hetan tiha apoiu husi PEV nia Servisus Apoiu ba Empregu. Maibé, ema ida-idak nia esperiénsia mós lahanesan no ita rasik nia esperiénsia karik

diferente uitoan husi ezemplu tuirmai ne'e. Ida-ne'e tanba PEV nia Servisus Apoiu ba Empregu mak fleksivel – dehan katak ita bele hetan apoiu oioin no ita bele halo fila-fali etapa ruma depende ba ita rasik nia presiza sira.

1 Aplikante hetan tiha verifikasaun

2 Aplikante asiste Sesaun Informasaun kona-ba Aplika ba Vistu

3 Aplikante asiste Webinar Introdusaun ba Servisus Apoiu ba Empregu

4 Aplikante simu informasaun ba etapa sira tuirmai: Formuláriu Privasidade no Konsentimentu

5 Aplikante asiste Webinar Ferramenta ba Preparasaun Serbisu nian

6 Aplikante prenxe Kestionáriu Aplikante nian

7 Aplikante tama iha prosesu buka empregu. Komesa prosesu buka tipu serbisu sira-ne'ebé di'ak ba aplikante ruma

8 Aplikante hetan apoiu ba entrevista sira, verifikasaun antes empregu nian no kontratu empregu nian

9 Aplikante asiste Sesaun Informasaun Antes Arranka

PEV nia Servisus Apoiu ba Empregu sei fornese matadalan no apoiu durante prosesu aplika ba serbisu tomak. Maski ami bele liga ita ho empregadór australianu sira, mós di'ak bainhira aplikante kontinua rasik kontinua buka ba serbisu no hatama aplikasaun ba serbisu sira. Ita bele buka-hetan serbisu ne'ebé di'ak no prepara ba moris iha Austrália bainhira ita esforsa an no simu ami-nia apoiu.



Presiza hein lora hira ba ami-nia hatán?

- Depois ita manda email ba PEV nia Servisus Apoiu ba Empregu, ita sei simu fali kedas resposta otomátiku ida-ne'ebé fó-hatene katak ami simu tiha ita-nia pedidu, no ami sei manda hatán ba ita-nia email iha lora serbisu 7 nia laran. Se ita la simu hatán ne'e iha lora 7 nia laran, favór ida kontakta ami
- Depois ita prenxe tiha ami-nia **Kestionáriu Aplikante nian**, ami sei kontakta ita bainhira ami hetan ona vaga serbisu ne'ebé di'ak ba ita. Durante prosesu ne'e, di'ak se ita mós buka serbisu mesak



Ita bele hetan informasaun liután kona-ba PEV nia Servisus Apoiu ba Empregu iha pev.gov.au

Iha ami-nia sítiu internét ita bele buka-hetan rekursu seluk tan, inklui follu faktu sira no matadalan atu kria rezume (resume templates). Ita mós bele tau naran ba Sesaun Informasaun kona-ba Empregu sira hodi aprende buat seluk tan kona-ba buka-hetan serbisu iha Austrália.

